



Kalaallit Nunaanni meeqqanut inuusuttunullu siunnersuisoqatigiiffik

**Sorlaap isumasioqatigiissitsinera 13. Juli – 17. Juli 2015 Ilulissani**

Peqataasut: Paningua´k M. Kruse (Sorlak), Ane Berthelsen (Sorlak), Esther Løvstrøm (Kangersuatsiaq), Niels Ole Simonsen (Narsarmijit inuusuttut peqatigiit), Anda Jokum Manassen (Inuusuttut ingerlariaqqiffiat), Adolf Siegesmundsen (Aappilattumi kalattoortartut), Nanoq M. Egede (Sukorseq), Bentiarq Ottosen (Atassutip inuusuttai), Kaj Peter Heinrich (Aliikkusiarfik Qivioq), Ane Louise Barlaj (N.A.I.P), Emma Lennerth (Atassut), Hans Kristian Petrussen (S.I.S), Mathias Svendsen (Upv. Kujalleq), Thomas Pavia Berthelsen (Sorlak), Masauna Peary (Sorlak).

Pikkorissaasoq : Arnánguak Holm Olsen / Inuk Ressource.

*Sorlaap isumasioqatigiinnera qulequtaqarluni : "Avatangiisinut ataqqinnineq – qangatut".*

Hotel Arctic-mi najuqarput, konferencelokale-taanilu isumasioqatigiinneq ingerlanneqarluni.

Ataasinngornermi 13. Juli ulloq tikerarfik – ullukut siulersuisut pikkorissaasussa q Arnánguak Holm Olsen peqatigalugu ataatsimeeqqaapput, kingusinnerusukkullu siulersuisut imminnut naapillutik eqqartueqatigiipput matoqqasumik ataatsimiillutit.

Unnukkullu nal. 20.00 peqataasut imminnut ilisaritipput, kingornalu imminnut ilikkarnerorunissaq anguniarlugu assigiinngitsunik allikkusersueqatigiillutik.

Marlunngorneq 14. Juli :

08.00-09.00 ullaakkorsiorneq.

Nal. 09.00 pikkorissarneq aallartippoq.

Siullermik pikkorissartsisumut Arnánguak Holm Olsen ilisaritsipput. Kingornalu pikkorissarnissap siunertaa saqqummiunneqarpoq (blanche-kut).

Pikkorissarnermi siunniunneqarpoq : avatangiisinut ataqqinninnermi, kingumut isigisumik aallartippoq, tulliulluni ullutsinnut, kingornalu siunissamut isigisumik eqqartuisapput.

*Gruppearbejdearbejde/eqimattat 1 :*

Qanga nunatsinni avatangiisit qanoq ittuuppat, ilissi ilisimasasi naapertorlugit ? Arnannguaq aallarniuteqarluni pikkorissartussat apeqquteqaateqarfigai.

Pikkorissartut :

- "Avatangiisimut maangaannaq eqqaaneq eqqartorpaat. Ataqqinninnerunisarlu annerpaamik eqqartorneqarpoq.
- Siuligullu qutsavigineqarput ajunnginnerpaamik avataangiisivut ullumimut paarilluarsimammassuk, pissuserimasaallu anguniaraanni kinguaajusugut suliassaqarpugut.
- Utoqqat qanga inoqutigiinni ataqineqarnerunikuupput ullutsinnut nalleqqiullugu, soorlu meeqqat utoqarnut ataqqinninnerusimasut.
- Ullutsinni avissartuunnerusutut inissisimavugut, soorlu "utoqqaat illuini" inissisimapput, qangaanerusoq imminnut qaninnerusutut issimapput.
- Ullumikkut inuiaqatigiit eqqaallatsiarneqarpoq assersuussiorluni, soorlu Tuluit nunaanni ukiuni 300 miss. ineriartornikuupput, Kalaallilli ukiut 50 miss. iluani sukkasorujussuarmik malinaasinnaangijalluta ineriartorsimavugut."

*Gruppearbejde/eqimattat 2 :*

Sunaana ullutsinni massakkut avatangiisinut ataqqinninneq qangatoortoq pisariaqartikkipput ?

Pikkorissartut:

- "Atorluaanerunissamut tunngasumik eqqarsaatersuuteqarsimapput, soorlu atisat atornikut containerinut iliorarneqarsinnaapput, eqqaaginnarani.
- Ullutsinni aamma maannakkut meeqqat elektroniskeusunik pinnguaateqartupilussuupput, qanimut peqatigiinnertaqanngitsumik.
- Ataatsimoorluni silami igaaqatigiittarneq maqasineqarpoq.

- Paasitsitsiniaanerunikkut pinngortitamut ataqqinninneq pilersinneqarsinnaavoq, assersuutigineqarpoq soorlu tiiliassanik nunatta pissarititaanik atuinikkut.
- Nerisassanullu soorlu naatsiat nunaniit allaniit tikisitsinerujussuaq pakkersimaarniarlugu, nammineq naatitsinikkut pinngortitamut ataqqinninerulertoqarsinnaavoq.
- Pinngortitamut ataqqinninneq qanga eqqaamaneqarpoq eqqagassat angerlaallugit iginneqartartut.
- Ammattaaq biilit mingutsitsinneri annertusiartuinnartoq eqqaaneqarpoq, pinngortitamut ataqqinnissagaanni , amerliartuinnarneri annikkillisarnissaat kissaatiginartutut eqqaaneqarluni.
- Susassareqatigiinneq qanga annerusumik pinnguaatinik : uaajeernerit il.il. qajartortanerillu, ullutsinni uterteqqikiaartuuarneqarput. Aammalu kalattoortarneq susassareqatigiinnermik pilersitsisarpoq. Avatangiitsinnut serlersaatsuliortoqarpoq oqartussanut anngussisinnaaneq ujartorneqarluni.
- Canadami piorsarsimassutsimut tunngasut qanoq iliuuserisartagaat eqqaaneqarpoq, soorlu ulo qanoq isumaqarpa..?? inngernerik il.il.
- Meeqqat ullutsinni sammineqarpallaarnerat, qangaanerusutut utoqqarnut ataqqinninneq pineqarpallaarunnarsimavoq.
- Assigiinnerusumik naligiinnerusumik, meeqqat inuusuttuaqqat inersimasullu utoqallu pineqarnerulernissaat siunnersuutigineqarpoq.
- Atisallu kusassaait peqqissaarluni atornerarnerunissaat ujartorneqarluni.
- Avitseqatigiittarnerup uterteqqinnaasaa aammattaaq amigaatigineqarpoq, soorlu pisaqarsimatilluni inueqatiginnerni tukkornerunissaq.
- Meeraq iluamik pineqassappat, utoqqaat puorneqassanngillat – soorlu kampagne-ani annerusumik meeqqanut attuumassuteqarpallaalersimasut.
- Angajoqqaat meeqqaminut anngaavallaarnerat isornartinneqarpoq, killersuinerusinnaaneq ujartorneqarluni.

- Atisat tungaatigut aamma eqqartorneqarpoq kusanartuunissaq il.il. iminut ataqinerunissaq eqqaaneqarluni.

*(Akunniuliullugu erinarsorneqarpoq guitar (Bentiaraq Ottossen).*

Naggataatillugu brainstormingertsinneqarput : suut periarfissaappat ? isumasioqatigiittuniik



allattuitinneqarput.

Ilaatigullu makkua allattorneqarsimapput: cigaretsimut kaasarfimmioqarneq, isumassuinerit il.il.

*Pingaartitanik misissuineq :*

#### **Pingaartitat ineriartortitassat**

- (Naleqartitat tikinneqarpoq : ataqqinnineq, ataqpeqatigiinnissaq)
- Pingaartitat piginnagassat
- inoqammut asannineq

#### **Pingaartitat igitassat**

- Pujortartarneq

- angerlarsimaffimmi ataqatigiinnissamut puiuisarneq.

Isumasioqatigiinneq / pikkorissarneq naavoq 16.30

Kiateeqqanik tunioraaneqarpoq – unnukkut Sermermiuni atugassat.

Unnukkut Sermermiuni kikkunnulluunniit akeqanngitsumik Sorlak Pitsaaliuinernullu siunnersorti Arne Petersen aaqqusuisooqatigalugu kalattoortsitsoqarluni, Ilulissani Erinarsoqatigiit, rappertartorlu Kim Jakobsen torrallataaqisunik rapperpoq, t-shirt-nik Sorlammik logotalimmik, balloninillu agguaasoqarpoq, unnussuaartitsineq assut iluatsittutut nalilerneqarpoq ☺ Sermermiunut qujanaq.

Pingasunngorneq 15. Juli :

Nal. 08.00 siulittaasoq Paningua´k M. Kruse tikilluaqqusivoq, kingornalu Arnaánguak Holm Olsen.

”imminut qivialarneq” aallarniutigivaa :

*Ipaassaq eqqartuinisinni suna ilinnut pingaaruteqarpa ?*

Pikkorissartut:

- ”Pikkorissartut ataqatigiilluarnissaat”

Kursursertut akissuteqaatigissavaat iloqqasunngorlutik saqqummiutissavaat :

”kingumut qivialarneq” – suna ippassaq pissarsiaqarfiginerpaaviuk ?

Akissutimminnik saqqummiussipput :

- ilaatigut immikkoortitsisinnaaneq, pingaartitanut misissuineq, inoqammut ataqqinninneq inuit assigiinngitsuugatta, suleriesissat siumut isigisut, qanga ullutsinnilu immikkooruteqarneri, suullu atorluarnerunissaat, siulitta avatangiisitsinnut ataqqinninnerat.
- Pinngortitamut ataqqininnissaq. Meeraanermiit soqutisimanngisanut tunngatillugu pissarsiaqataavoq. Aammattaaq peqatigiiffilerinermi sakkussanik pissarsiaqataavoq, ineriartortitseqqinninneq.

- Isumassarninarpoq allap isaanniit qiviarneq, naleqartitanut pissarsilluarneq, tamakkiisumik ineriartuutaapput, peqataasullu imminnut tusaanissaq.

Pikkorissaasoq :

*"Meeqqat pineqartorujussuunerat, naallu inersimasunut ataqqinnineq.?"*

(Pikkorissarneq unitsikkallarlugi - 09.30 – 11.00 busserluni Dronningi tikinnera alakkarallarpaat).



*(Dronningi uinilu Hotel Arctic-mut apuuttut)*

*Suna anguniarniarpara inuttut aammalu avatangiisinut :*

anguniakkap naatsumik allaatiginera :

(siunertaa, anguniakkat ikitsunnguannorlugit pingaarnersiuneq, amerlavallaarpata ajornarnerussammat anguniakkat angunissaannut).

- *"Avatangiisinut ataqqinnineq qangatuut-mut atatillugu una anguniarniarpara, uanga nammineq privatemik – tunuliaquttanni (parti imal. Peqatigiiffik)*
- (pikkorissaasoq : avatangiisit eriaginissat pillugu, niuertarfimmi puussiarsissarluni, pooqataarannuanik tigummiartaannalersimavoq).

11.05 Dronningi alakkareernerani...

Pitsaaliuineramik siunnersorti Arne Petersen (Ilulissat) paasissutissiivoq pitsaaliuineq pillugu, soorlu tupa, imigassartaqanngitsumik susassaqtitsinerit, inuusartsitsineq inuusuttuaqqanik (anaanngujaartarnissaat pinaaveersinniarlugu).

Pikkorissarnerup ingerlaqqinnerani piumaffigineqarput, anguniakkap siunertaa” ulloq maannamut suna angussavara ?”.

Allattuissappullu anguniakkap angutsernerani suut ”ikkarliffiusinnaasut” - kikkut ikiortiserisinnaavakka - aammattaq , kikkullu nukinnik aallerfigisinnaavagut.

Pikkorissartut :

- Nukinnik aallerfigineqarsinnaavoq illoqarfik qimalaarlugu - asimukarneq.
- Peqatigiiffilerusuulluni / kattuffillerusuullu nukinnik siulersuisoqatit aamma nukinneq aallerfigineqartarput. Aammattaq Malittarisassat tunngavissaammata, ilisimaarissagakkit arlaatigut nalornisoqassappat.
- Arpanneq, ilaquuttat ilagineri, nersualaarneqarneq suleqatiniit aammattaarlu killormut nersulaarinissinnaaneq.

Tullinguupporlu handlingsplan / siumut isigisumik pilersaarut ullulerlugu

Nukissanik aallerfiit :

- Pikkorissaqataasup ilaata ataatami pikkoriffii aallaavingalugit misilittangaalu malillugit.
- Aporfeqarneq → aningaasaqarneq kisimi aporfingivaat timersoqatigiiffimmik saniatigut suliat eqqartorneqarput, uani sorlammi isumasioqatigiinnermi
- Ileqqunngortussamik peqatigiiffimmini anguniarniarneqarpoq, taanna qulequtaralugu. Pisariaqartinneqanngilaq ungasissumut ulluliinissaaq. Maani isumasioqatigiinneq naappat 18. August tamanna ileqqunngornissaanut apuunneqassapput aammalu peqatigalugit isumat tusarniarneqassapput, pissarsiat aallaavingalugit siunnersuuteqassalluni.
- 8/9 angoreersimassuaat kalattoornerinnaanngittoq

Kanngiffigisinnaasat :

- Ataatsmiinnissamut kinguartitsitiisarneq, aammalu sulianut tunniusimanginneq, isumaqatigiissutinillu eqquutsitsisannginneq
- Peqatigiiffik aallaavingalugu, nunaqarfimmini iluamik ingerlanngillat. Aallarteqqikkusullugit aallarteqqikkusullugulu tunuliaqutani. 01. Februar 2016 siulersuisunngortitsinissani peqataasup ilaata Kangersuatsiaamiinngaannertup siunniuppai
- Peqataasup ilaataa ataqqinninnerulernissaq aggerfimmini Qaanaami anguniarpaa. Inuttut naleqartitani eqqarsaatingisarnernunissaat. Aammalu inoqammut ataqqinninneq maligassiuvigissallugu eqqaavaa.
- Ikkarliffigisinnaasat, ikiortissaqannginneq kisimiilluni suliaqarniarmi anguniagaqarniarneq.
- Nakkarsarneqarsinnaaneq nalaattarpai aammalu akerartorneqarneq. ( malungivaat qanoq iliuuseqartugut )
- Ikiortissat → parteeqatini aammalu atorfillit saaffingisarnissaat soorli pitsaaliuisoq.
- Nukissanik aallertarneq → inuttut tingunaveersaartarnissaat nukissaqarfingivai.
- Oktoberiuutinnangu qanoriliuuseqareersimassalluta.
- Qaammatit tamaasa naleqartitani allattortarnissai ileqqunngorniassammat.

Naggataatigullu issiavitit tigullugit kateritsitaapput akileriikkaallutit – akilertik focuseqarfigissavaat – akilertillu arlaannik assersuut –” nuannarivakkitt” arlaanniilluunnit qanoq akiliminiittoq isumaqarfiginerlugu min. 1 miss. ataatsikkut eqqartuipput. Taavalu issiavimmit ataatsimik nikipput assinganillu imminnut eqqartuipput, avataaniit tusaasuulluni malinnaaffiunngingajattumik, kisiannili akileriit imminnut pipput.

Pikkorissarneq naammassivoq nal. 14.35 – tamarmillu imminnut qutsavigipput, pikkorissaasortillu immikkut qutsavigaat ☺



Naggataatigullu siullittaasumut "aquut Paninguamut tunniuppaa" . Sorlaallu siulittaasuata naggataarutaasumik eqqaava, manna pikkorissarneq iluatsilluartut nalilerlugu, assut nuannarutigisaminik, malugisinnaallugu pikkorissaqataasut nikisimanagerat.

Siulersuisuniit nalunaarutit : ilaasortanut nalunaarnissat.

7 ataatsimiititaliat iluamik ingerlanngitsut – 15. August-itinnagu allakkatigut, suut angusarinikuusat naatsumik eqqaappallanneqarnissaat.

(pisiu, inuit pisinnaatitaaffii, naligiisitaaneq, imminut toquttarneq, icc, il.il.)

Masauna – ataatsimititaliaq tigusuppaa .

Qaammatit pingasukkaarlugit aviiseqqat sammuserneqartarnissaa – projektet – meeqqat ulluat – nsu island- inuusuttut 16-25 årige saqqummiiffiqeqarnerat, uge 29, nsu novemberi lederskoleqarneq .

Tips-mut qinnuteqaateqartarneq nikingilaq – kisiannili aningaasat qinnuteqaatinut IKIIN-ip tigugallarnikuua.

Kattuffiit / suliniuteqarfiit kattullutit qinnuteqaateqarsinnaapput.

Thomas-pavia imminut ilisaritippoq, pele kristiansen-ip sinniissusaatut 22. Juni-mi ikkunneqarluni.

Aammalu Aannguaq Hansen, Randi Evaldsen-ip tunuarnerata kingorna sinniisusatalu Henrik Thomsen aamma tunuarneragut ikkunneqarluni.

Siulittaasup Paninguup eqqaavaa siulersuisutut ullut imaannaanngitsut atorsimavagut, pingaartumik aningaasat tungaatigut ilaangaaffiqeqarsimaneq kingunerlutsitsimavoq assut. Allaffimmioqannginneq assut sulianik nukissanik tiguisimavoq piffissamillu.

---

Sisamangorneq 16. Juli :

Ilulissani pitsaaliuinermi siunnersorti Arne Petersen peqatigalugu Sermermiut-ni inussulioriarput pikkorissartut tamarmik peqataaffigisaanik







Siulittaasoq Panínguaq M. Kruse – inussuk naammasimmat oqaaseqartoq ,

Pikkorissartut tallimanngorneq naggataarlutit ataatsimooriarlutik, arfininngornikkut angerlammut Ingerlapput.

*Imaqarniliortoq: Lea Geisler Tittussen*



